

kgiy

kkbalay na latan Tayan hiya maga mutuwa naha skahun sku kgiy
muwah kbalay, utux utux sali ga niya mmuhiy na kgiy, kgiy hani ga aw
mutuw pinhyun sku ryax na tmangu abaw, 'bagan, ru mshuw abaw. pinhyun
nya sku rhyan hiya ga siki msmi tikay ru blay ms'uraw na rhyan, pyang blay
ga siki mtesuruw na syax witux, mutuwa yenga pinhtgan sa wawi ru kthuy
helaw balay mrkyas, ana wayay nuka nya ga mutuwa blay pinhtgan nya.
pu'ing na kbalay latan Tayan ku kgiy hani ga, bliy nanak muwah pmmla na
hi ta, hiya ku mutuwa ggalan uzi nku pila misuw ryax soni, ru thuyay sa
phtgan sku pyang syun balay inlungan kwara na gaga tminun Tayan.

pnuhiy na kgiy utux kayan ga tikuy balay hbk'an nya, siki n_gon
sazing kayan lga, mutuwa wayan pyux hazi hbk'an nya la. utux kayan ga
mutuw kmkgiy kinsazing ru kintugan, ini su inble'iy kmkgiy ga mutuwa
t'uzit wayay nuka nya, nanu iy t'aring sa blay s'gun lga, musa blay smi'ung
kgiy ru slyatan abaw nya, tmalung ku musa panga halan nya may na knerin
ru kmkgiy ku yaki la. ye'aya na kmkgiy hiya ga kinbalay nku ruma, payat
ini ga magan mumu hhiran na ruma, bwakun sku s'ka ruma na te tungan

mumu, s'agan nya minbwakun ruma na kgiy ru skmkgiy nya inble'un nya
mkuw rhyan blay balay txan tu'iy nya.

bkgun nya mt'yaw hani ga mutuwa aring sku prayun nuka, 'muwax
nuka, phpuh nuka, n_gyusun nya kbalay te tu'iy kwara wayay yuwaw hani
lga musa mawgi nuka la. kmasu mawgi nuka lga mt'aring matisa la, ana ba
nya uzi ga niya inblay matisa, 'siy ga tmuran niya mthawgut ba nya,blay
balay txan ki! su'un naha matisa lga, mt'aring tmahuk wayay, 'muwax
wayay, 'mimaw kmagas, mawgi lozi wayay ga inble'un nya hmuluy na utux
utux wayay ptgyah nya nki ini p'ubu sku ruma thwayun nya 'mlsay lru
ptminun lku yaki la.

m'ubu balay p'imaw na kmagas hani, pyux ku te tu'iy nya uzi, pl'ux
hani ga mutuwa 'bgan na “ snuling bagah nku built ”. mki sku rrgyax ga
galun na utux r'iri, lalu nya ga “ kmagas ” mtanah ku sahuy nya, 'magan lga
mutuw memung iruw nya ; mtasi hiya ga skahun nya “ abaw na s'yux ”
ru 'mukan zik mstmak na rhyan ku kgiy, kyala utux rihay lga, m'kalux ku
iruw nya la. mhtuw ku ini ptna na bebiru lga, blay tminun latan Tayan la.
blay baly ku gaga tminun Tayan hani, ini yengay ana knuwan.

苧麻

原住民傳統服裝的原料是苧麻，適合春、夏、秋天種植，苧麻不單是保暖身體的重要依靠，更具有現代經濟價值。

第一年產量較少，要等二年之後產量才會增多，一年可剝麻二到三次，過程繁雜。

剝麻的工具是竹子做成，剝麻後的麻線放在地上排列整齊，經過搓麻、洗麻、甩麻、曬乾就可以紡線，紡線後就開始煮線、洗線。

染色的過程也很繁雜，染白色要用「木炭燒過的灰」浸泡；而深山有一種植物叫「薯榔」是紅色的原料，染起來會帶點咖啡色；綠色則是用「九芎的葉子」；將苧麻埋在泥濘，約一個星期，就變成了黑色。這就是染色的由來，染色後，才就開始進行織布的工作。